

RICHARD (Jean), notaire de Villemur, Villemur-sur-Tarn, minutes 1576-1582, f° CVII (v°), Archives départementales de la Haute-Garonne, cote 3 E 26869, PH/JCHR/4278.

(...)

Remiss(ion) et senten(ce) arbitralle de
jehan amoraud au nom qu()il
[pro]cede et cecelhe amoraude

Cejourdhuy **vingtroysiesme** du moys de
septembre mil vc lxxxi en villemur au diocese

.....
Cvijj

de mo(n)tauban et seneschaucee de th(ou)l(ous)e regnant tres()crestien
prince henry par la grace de dieu roy de fran(ce)
et de poloigne en presances de moy not(aire) royal
soubz signe et des tesmoings bas nommes apres
midy dans ma boticque estably en [per]sonne
s(ir)e **jehan amoraud marchand de villemur tuteur**
de jehan laurenx d()une [par]t et honneste femme
cecelhe amoraude femme de s(ir)e bernard dexea
marchant dud(it) villemur d()au(tr)e lesquelles
[par]ties lad(ite) amorraude de()licen(ce) et auctorite dud(it)
dexea son mary icell(uy) presant et la charge
et puyssan(ce) de f(air)e les choses que s()ensuyvent
luy donnant de()le(ur) bon gre et bonne
volunte ont remis et arbitre le proces et
differant qui est entre eulx pour raison
de certains jugemens et [con]trainctes obtenues
de la court de mons(ieu)r le seneschal de()th(ou)l(ous)e
[par] led(it) amoraud aud(it) nom [con]tre lad(ite) amoraude
et desquelz elle est appellante en la court
de parlement a()th(ou)l(ous)e et ce qui en deppend et
s()en est ensuyvy jusques a presant au
dire loy et senten(ce) arbitralle de mons(ieu)r
m(aître) estienne blanchard doct(eur) en droictz et s(ir)e
jehan duthue marchand de villemur arbitres
arbitrateurs et amyables compositeurs
neutrallement esleuz nommes et accordes
[par] lesd(ites) parties ausquelz ilz donnent plain pouvoir
et puyssan(ce) de()juger dud(it) differant d()en prendre
ung tiers non suspect aux parties s()ilz ne

.....
s()en peulvent entre eulx deux accorder et d en

donner leur loy et senten(ce) arbitralle dans
troys sepmaines [pro]chaines et aultrement de
jour en jour ferie et non ferie promect(an)s
lesd(ites) parties demeurer a()le(ur) loy et senten(ce)
arbitralle a()la peyne de dix escuz d()or
sol aplicable moytie a()la [par]tie acquiessan(te)
et l()au(tr)e moytie aux pouvres de villemur
soubz ypothecque et obliga(ti)on de tous et
ch(ac)uns leurs biens meubles et immeubles p(rese)ntz
et advenir qu()ilz ont soumis aux forces et
rigueurs des courtz et scelz royaulx mage
de la sen(echau)cee ville viguerie de th(ou)l(ous)e et
albigeois court ordinaire de villemur et
au(tr)es de ce royaulme avec les renon(ciation)s
de droict requises et necessayres ains
l()ont jure moyen(ant) serment en presances
de m(aîtr)e michel golce cordonier de villemur
anthoine malbert del()born et de moy jehan
richard notaire royal dud(it) villemur requis
soubz signe avec lesd(its) amoraud dexea et
golce a la cede les au(tr)es ne scavent signer
suyvant laquelle puyssan(ce) donnee [par] lesd(ites) [par]ties
ausd(its) s(ieu)r(s) arbitres ilz ont donnee et promie
a()icelles parties le(ur) loy et senten(ce) arbitralle
de()la()teneur que s()ensuyt nous estienne
blanchard doct(eur) en droictz et jehan duthue
marchant de villemur arbitres arbitrateurs et
amyables compositeurs esleuz nommes et

.....

Cix

accordes par les parties de jehan amoraud marchant
dud(it) villemur tute(ur) de **jehan laurenx fils de feu anthoine**
d()une [par]t et cecelhe amoraude femme de bernard
dexea marchant dud(it) villemur d au(tr)e veu()l()instrum(ent)
de compromis portant n(ot)re puyssan(ce) retenu par m(aîtr)e
jehan richard not(aire) royal dud(it) villemur le vingtroysie(me)
jour du moys de septembre an presant mil vc
quatre vingtz et ung, le rolle des sommes demandes
[par] led(it) amoraud pour rayson des despences faictz et
souffertz par()luy depuis le()jugement presidial
du dixneufvie(me) de may mil vc septante neuf avec
troys tauxalz y mentionnes obtenez d()icelle court
presidialle de th(ou)l(ous)e montans la somme de vingt six
escuz deux tiers d()escu d()or sol neuf deniers t(ournoi)z et
au(tr)es menues fournitures montans la somme de
troys escuz sol huict solz dix deniers / aultre

jugement donne [par] lad(ite) court presidiale de th(ou)l(ous)e
en faveur dud(it) amoraud en datte du septie(me) d aoust
an presant / les licen(ces) royaulx obtenues [par] lad(ite)
amoraude de la chancellerie de th(ou)l(ous)e et()de()ces()suites
a la court de parlement dud(it) th(ou)l(ous)e pour estre
restituee en entier et led(it) amoraud constraint
remectre les comtes pretenduz et au(tr)es fins y
[con]tenues en datte du sixiesme septembre der(nier)
advertissemens bailhes [par] lad(it) amoraude signes
[par] led(it) dexea son mary et ouyes lesd(ites) [par]ties
sur leurs differans mesmes lad(ite) amoraude
avec led(it) dexea son mary qui auroient toujours
perciste y avoir erreur de comte aux
aux comptes renduz [par] led(it) **anthoine**

.....

laurenx tuteur de anne vassalle filhe de lad(ite)
amoraude lesquelles erreurs de comtes ilz
disoient debvoir estre plustost veriffiees
et jugees / a quoy led(it) amoraud auroit inciste
que au prealable ne luy fust fait droict par
nous sur les tauxalz des despens par luy
obtenuz et que n(ot)re puyssance n()estoit q(ue) de
juger desd(its) despens / lesquelz dexea et
amoraude maries en fin auroient accorde que
nous fissions droict droict (sic.) sur les
differans a nous remis comme aussi led(it)
amoraud a requis luy estre fait droict
sur()ce que nous est remis sans prejudice
des erreurs de comtes desd(its) dexea et amoraude
et apres que lesd(ites) [par]ties ont eu accorde
que prenions avec nous pour tiers mons(ieu)r
m(aîtr)e ramond e la bornerie not(aire) et
secretaire du roy au cas ne pourrions
estre d()accord sommes alles trouver
led(it) s(ieu)r de la bornerie et le tout a luy
[co]municque avons par n(ot)re p(re)se)nte
senten(ce) et loy arbitral dict declaire
juge et arbitre disons declairons
jugeons et arbitrons que sans p(re)judice
desd(its) erreurs de comtes alleguees [par] lad(ite)
amoraude en sesd(its) advertissemens
lesquelles erreurs elle pourra

.....

poursuyvre contre et [par] devant qu()il a[par]tiendra
et aux poursuyvis leurs desfences po(u)r tout le
demeurant dont est question entre les
[par]ties lad(ite) amoraude sera quicte en payant
aud(it) amoraud au nom qu()il [pro]cede la somme
de dix huict escuz ung tiers d()escu d()or sol
ce qu()elle fera dans ung moys apres
la [pro]noncia(ti)on de n(ot)re presant senten(ce) a()la
peyne de double au(tr)ement a faulte de
ce faire l()execu(ti)on encomancee sera [con]tinuee
po(u)r lad(ite) somme [con]tenue ausd(its) deux premiers
tauxalz et sans despens sauf du()presant
arbitrage que sont neutralz moderes
a ung escu et()demy pour noz peynes et dud(it)
s(ieu)r de la bornerie et vingt solz tourn(ois) pour led(it)
richard not(aire) qui a retenues les actes [con]dempnans
lesd(ites) [par]ties a tenir garder et observer n(ot)re p(rese)nt
senten(ce) arbitrale sur la peyne [con]tenue aud(it)
instrum(ent) d arbitraige en foy de quoy nous
sommes soubz signes a villemur le deuziesme
jour du moys d()octobre mil vc quatre vingtz
et ung / blanchard arbitre / Duthue arbitre
ainsin signes laquelle [pro]noncee en p(rese)nces
desd(ites) [par]ties arbitres ausd(its) jehan amoraud et
cecelhe amoraude ilz y ont acquiesse
en presance de jehan lacaze de

.....
mirepoix s(ir)e michel cousin marchand de
villemur jehan tailhefer de bondigoux
et de moy jehan richard notaire
royal dud(it) villemur requis soubz(sig)ne
a villemur le quatorziesme
octobre mil cinq cens huictante et ung

Richard, not(aire) r(oy)al